

Parlamentario van Lis Donata ta splica:

Ley di curatela pa adicto y di centronan pa mucha no ta copia

ORANJESTAD(AAN) -- Parlamentario di OLA mr. van Lis Donata a duna di conoce na DIARIO cu ultimo dianan diferente storia a sali tocante e ley pa curatela di adictonan peligroso y tambe di e ley cu ta cumisna cu reglamentacion di e centronan pa nos muchanan.

Por a tene un atake sin base cu ta pretende cu e ley di curatela pa adictonan ta copia di Antiyas.

Van Lis Donata a splica cu riba tereno di ley no por papia di copia. E derecho di autor no ta conta pa leynan. Pues si un parlamentario of minister ta di opinion cu den su pais tin necesidad di un ley cu ta existi den un otro pais, e por propone esaki pa worde introduci den su pais.

Den e caso di e ley di curatela pa adicto e ta forma solamente un cambio chikito den e Codigo Civil na Aruba.

Aruba y Antiyas Hulandes tin un Codigo Civil cu ta casi igual. Pues ta mas cu logico cu ora haci cambio den e Codigo Civil di Aruba pa introduci e curatela pa adictonan peligroso, e cambio di ley aki ta parce esun di Antiyas Hulandes. E parlamentario di OLA ta haya cu no tin nada malo cu esaki.

Ademas, no ta promer ni ultimo biaha cu nos leynan ta parce esnan di Antiyas Hulanda of di Hulanda.

Tuma por ehempel e hecho cu Hulanda tin e derecho di casacion den caso di extradicion. Como cu pa Aruba e derecho aki no ta existi ainda, nos tur ta insisti keto bay pa nos Arubianonan haya e derecho aki tambe.

Ningun momento por a tende un persona protesta, cu esaki ta copia di Hulanda. Al contrario, tur hende ta di opinion cu e derecho di casacion lo

mester worde reglamenta mas liher posibel pa Aruba.

Ta di lamenta cu den wega politico, ta informa pueblo malo.

Pa loke ta trata e ley pa centronan pa cuida di mucha van Lis Donata a bisa cu ta na fin di December 1995 pa promer biaha un concepto di ley tocante centronan di mucha a ser entrega na Parlamento door di un comision fiho asisti pa Griffier Jossy Semeler. E firmadonan di e concepto di ley aki ta e Parlamentarionan Glenda Margaretha, Otti Olivieira, Modesto Ruiz, Fredis Refunjol, Ramon Lee, Felix Flanegien y Noris van Lis Donata.

Van Lis Donata a sigui bisa cu e pre-concepto cu tabata existi promer cu 1995, na 1989 van Lis Donata y mr. Luutsen de Vries a concipia esaki. E pre-concepto aki a

worde entrega na minister na September 1989. E minister e tempo ey a entrega e pre-concepto aki na e director di Asuntonan Social pa su departamento traha un calculacion di e posibel gastonan. Segun van Lis Donata, e pre-concepto ey lastimamente no a cana pa por a bira un concepto di ley oficialmente bao di e ministerio.

Pa e motibo ey, cinco aña des-

pues, e Comision fiho di Parlamento a dicidi pa traha riba reglamentacion di centronan pa cuida di mucha. E resultado ta e concepto di ley cu a worde entrega oficialmente na Parlamento na December 1995. Van Lis Donata ta di opinion cu a bira tempo pa Parlamento dicidi riba e situacion di e centronan pa nos muchanan.

THE ICEBERG

COCKTAIL LOUNGE SAVANETA

Ta presenta:

Diabierna 26 di Juni ora: 9:00p.m. - 1:00a.m.

"Banda NOS ORGUYO"

Diasabra 27 Juni ora: 8:00p.m. - 1:00a.m.

"Banchi Koolman y su Salsa y Sabor"

Diadomingo 28 Juni ora: 8:30p.m. - 12:30a.m.

"The Original Band"

JOSE CUERVO

FRIDAY NIGHT FEVER

featuring the
COBALT CLUB
DISCO DANCERS

disco dancing
contest

JOSE CUERVO
\$1

Cobalt Club

FRIDAY JUNE 26